


Ukiut marluk tulleriisiinnarlugit aningaasarsiorneq annikilleriarpoq

Kisitseqqinnerit takutippaat 2013-mi akit qaffakkiartornera ilanngaatigereerlugu tunisassiornerup nalinga (BNP) 1,9 pct.-imik appariarsimasq. Kalaallit Nunaata aningaasarsiornera taamaalilluni ukiuni marlunni malittuinnarni annikilleriarpoq, kisitsigallarnert 2012-mut tunngasut takutimassuttaaq tunisassiornerup nalinga aammattaaq 0,3 pct.-imik annikilleriarsimasq. 2013-mi aningaasarsiornerup annikilleriarnertut peqqutaanerpaavoq sanaartormik tunisassiallit annertuumik kinguariarsimanerat.

Titartagaq 1.

Tunisassiornerup nalinga (BNP), akit qaffakkiartornerat peerlugu



Malugik: 2003-2011-mi kisitsisit inaarutaasuupput, 2012-2013-mili kisitsigallarnellutik.

*Kisitsisit pillugit
naatsumik nassuiaat*

Nuna tamakkerlugu naatsorsuutit tunisassiornermit aallaavillit inuiaqatigiit aningaasaqarnerata ineriartorneranik ersersitsisarput. Naatsorsukkat takutit-tarpaat inuutissarsiutit inoqutigiillu aningaasaqarnerat, minnerunngitsumillu avammut niueqateqarnerup ingerlarna. Taamaasilluni nioqutit kifartuussutillu pilersiororneqartut atorneqartullu naatsorsuusiartut takussutissartaqalersarput. Saqqummersitaq manna, Naatsorsueqqissaartarfiup saqqummersitaani nuna tamakkerlugu naatsorsuutini ukiunik arlalinnik tunngaveqartuni, sisamassaraat.

*Kisitsisit inaarutaasut
ilaqqipput*

Nuna tamakkerlugu naatsorsuutit 2011-moortut naatsorsoqqissaarneqarsimalerput, taamaasillutillu inaarutaasumik saqqummiunneqarsinnaannorlutik. Taamaattorli tamanna kisitsisinut saqqummiuterikkatsinnut, aningaasaqarnerup ineriartorsimaneranut tunngasunut, allannguutini annertunerusunik kinguneqanngilaq. Nuna tamakkerlugu naatsorsuutit inaarutaasut naatsorsoqqissaarnerisa takutippaat 2011-mi BNP -0,3 pct.-mik appariarsimasq, tassa kisitsigallarluni naatsorsukkami -0,9 pct.-iusimagaluarpoq. Kisitsisit 2011-meersut inaarutaasunngorneri tunngavissiipput BNP-p 2012-mit 2013-mut kisitsisita utaqqiisaasut nutarternissaannut. Kisitsisit utaqqiisaasut allan-

nguutaat itinerusumik paasisaqarfigerusukkukku saqqummersitami “*Nationalregnskab 2003-2013*” kapitali 3 alakarsinnaavat.

*BNP innuttaasunut
agguarlugu*

Takussutissiami ataaniittumi takuneqarsinnaapput BNP-p aammalu BNP-p innuttaasunut agguarnerata ineriartornera 2003-mit 2013-mut. Akit aaliangersimasut 2005-meersut tunngavigalugit BNP-p innuttaasunut agguarnera 2013-mi 198,7 t.kr.-mut appariarsimavoq ukiup siuliani 201,2 t.kr.-iusimagami. Tamatuma assigaa innuttaasooq ataaseq 2,6 t.kr.-inik pilersitsinikinne-rulersimasooq, imaluunniit pct.-nngorlugu appariaat 1,3 pct.-iulluni.

Takussutissiaq 1. BNP aamma BNP innuttaasunut agguarlugu, akini ingerlaavartuni akinilu aaliangersimasuni 2005-imit aallaavilinni


	2003	2004	2005	2006	2007	2008	2009	2010	2011	2012	2013
Akit ingerlaavartut											
BNP, mio. kr.	9.239	9.689	9.897	10.771	11.106	11.736	12.409	12.863	13.442	13.608	13.582
Innuttaasunut agguarlugu, 1.000 kr.	163,0	170,4	173,7	189,3	196,0	207,9	220,8	227,9	237,4	239,8	240,9
Indeks, 2005=100	93,8	98,1	100,0	109,0	112,9	119,7	127,1	131,2	136,7	138,0	138,7
Ukiumut BNP-p ineriartornera	-	4,9	2,1	8,8	3,1	5,7	5,7	3,7	4,5	1,2	-0,2
Akit aaliangersimasut											
BNP, mio. kr.	9.151	9.541	9.897	10.429	10.783	11.006	10.930	11.207	11.454	11.419	11.198
Innuttaasunut agguarlugu, 1.000 kr.	161,5	167,8	173,7	183,3	190,3	194,9	194,5	198,5	202,3	201,2	198,7
Indeks, 2005=100	92,9	96,6	100,0	105,5	109,6	112,2	112,0	114,3	116,5	115,8	114,4
Ukiumut BNP-p ineriartornera	-	4,3	3,7	5,4	3,4	2,1	-0,7	2,5	2,2	-0,3	-1,9

Malugiuk: 2003-2011-mi kisitsisit inaarutaasuupput, 2012-2013-mili kisitsigallarnellutik.

*Nunanut allanut
naleqqersuussinnaaneq*

Nuna tamakkerlugu naatsorsuutit FN-ip nunanut tamalaanut naatsorsueriaa-sissatut najoqqutassiai malillugit naatsorsugaapput, tamatumalu ajornanngis-sisippaa Kalaallit Nunaata aningaasaqarnerata nunanut allanut najoqqutas-sianik malinnittunut sanillersuussinnaanissaa. Titartakkami ataaniittumi Ka-laallit Nunaanni aningaasaqarnerup ineriartornera nunanut toqqakkanut arla-linnut, nunallu OECD-mut ilaasut agguaqatigiissillugu ukiumut ineriartorne-rannut sanilliunneqarpoq.

Titartagaq 2. Kalaallit Nunaanni nunanilu allani BNP-p ineriartornivia, 2008-2013



Najoqqutaq: OECD.org

Titartakkami qulaaniittumi ersepoq nunani toqqakkani aningaasaqarnerup ineriartornivia assigiipajaamik ingerlasimasoq, piffissap aallaqqaataani annikitsumik imaluunniit annikilleriarnermik ineriartortoqarsimalluni. Titartakkami nunanut assersuutitut atorneqartunut sanilliullugu Kalaallit Nunaata BNP-a 2013-mi kisiartaalluni annikilleriarsimanera immikkut maluginiagassaavoq.

Pdf-inngorlugu Saqqummersitaq “*Nationalregnskab 2003-2013*” pdf-inngorlugu Naatsorsueqqissaartarfiup nittartagaani www.stat.gl-imi aaneqarsinnaavoq.

Kisitsisaateqarfik Tabelit sukumiisut saqqummersitamut “*Nationalregnskab 2003-2013*”-mut tunngasut www.stat.gl-imi aaneqarsinnaapput.

Paasisaqarnerorusukkuit Naatsorsueqqissaartafimmi pisortamut saaffiginnis-sinnaavutit: Anders Blaabjerg, e-mail abla@stat.gl, (tlf. 34 57 81).

Inussiarnersumik inuulluaqqusillunga

Anders Blaabjerg

Naatsorsueqqissaartarfimmi pisortaq